



BEN VEÑAS, MAIO 2026

Bases xerais

- 1 Poderá participar o alumnado matriculado nos centros de ensino secundario, bacharelato e ciclos formativos do concello de Pontevedra.
- 2 Cada participante poderá presentar cantas obras queira, se ben en cada categoría non se concederá máis dun premio á mesma persoa.
- 3 O alumnado participante non fará figurar o seu nome nas obras. O traballo proposto entregarase nomeado co pseudónimo do autor ou autora e nun documento á parte constarán os datos persoais que corresponden ao devandito pseudónimo: **nome, idade, NIF enderezo postal e electrónico, teléfono, nome nas redes sociais, curso, instituto no que estuda e categoría na que participa**. As persoas participantes menores de idade nomearán un representante legal (pai, nai, titor ou titora legal) e farán constar o nome, apelidos e NIF da persoa adulta.
- 4 Os traballos das categorías que non se realicen presencialmente deberán ser enviados por correo electrónico ao enderezo bvm@pontevedra.gal. No asunto do correo deberá indicarse: o certame, a categoría e o centro de ensino; por exemplo: Certame de banda deseñada-categoría A-IES Luís Seoane.
- 5 **O prazo de admisión de traballos remata o martes 12 de maio de 2026.**
- 6 A Comisión Organizadora do certame está formada polas persoas encargadas dos equipos de dinamización lingüística dos centros de ensino secundario e CIFP do concello e por unha persoa representante do SNL do Concello. O xurado que cualificará os traballos será designado pola Comisión Organizadora e só a el corresponde a interpretación das bases. O seu veredicto será inapelable.
- 7 Todas as obras presentadas poderán ser reproducidas, expostas ou editadas.
- 8 O anuncio do veredicto do xurado e a entrega de premios realizaranse nunha gala na que se integrará a Mostra Musical Ben Veñas, Maio, **o sábado 30 de maio de 2026, ás 18 horas no salón de actos do Pazo da Cultura.**
- 9 Ademais dos premios establecidos, o xurado poderá outorgar cantos accésits considere oportunos. Os accésits consistirán nun lote de libros.
- 10 Se nalgunha categoría as obras non acadasen o nivel mínimo esixible, o xurado poderá declarar deserto un ou todos os premios contemplados nestas bases. As dotacións económicas dos premios desertos poderán ser empregadas para premiar obras de calquera outra categoría.

Bases específicas

XXV Certame de Fotografía Ben Veñas, Maio

As fotografías deberán recoller algunha imaxe que represente o uso anómalo ou curioso da lingua galega en rótulos, pancartas, faixas publicitarias, pintadas, indicadores... Cada fotografía achegarase cun comentario en galego que xustifique o interese da imaxe obtida, así como o lugar e a data de obtención. A técnica fotográfica e o tamaño serán libres.

Os traballos enviaranse en formato PDF ao enderezo bvm@pontevedra.gal



XXXIII Certame de Banda Deseñada Ben Veñas, Maio

As obras serán orixinais e inéditas. O tema será libre e os textos serán en lingua galega. A extensión será de dúas páxinas como mínimo e de seis como máximo, en formato DIN-A4.

Os traballos enviaranse en formato PDF ao enderezo bvm@pontevedra.gal

Establécense dúas categorías:

- Categoría A: ata 14 anos inclusive
- Categoría B: a partir de 15 anos

XXXIII Certame de Narración Curta Ben Veñas, Maio

O tema das narracións será libre; incluírase algunha referencia a algunha das protagonistas da obra de Begoña Caamaño. As obras deberán estar escritas en lingua galega e ser orixinais e inéditas; terán unha extensión mínima de 400 palabras e máxima de 800, con letra lexible .

Os traballos realizaranse presencialmente en cada centro de ensino, preferentemente o martes 12 de maio de 2026 ás 11 da mañá, durante 2 horas. De non poder ser ese día, cada centro habilitará dúas horas algún dos sete días anteriores ao 12 de maio.

Establécense dúas categorías:

- Categoría A: ata 14 anos inclusive
- Categoría B: a partir de 15 anos

XXV Certame de Poesía Ben Veñas, Maio

Os poemas serán de tema libre e terán algunha referencia a algunha das protagonistas da obra de Begoña Caamaño. A extensión máxima é de trinta versos. As obras serán orixinais e inéditas, escritas en lingua galega, e con letra lexible.

Os traballos realizaranse presencialmente en cada centro de ensino, preferentemente o martes 12 de maio de 2026 ás 11 da mañá, durante 2 horas. De non poder ser ese día, cada centro habilitará dúas horas algún dos sete días anteriores ao 12 de maio.

Establécense dúas categorías:

- Categoría A: ata 14 anos inclusive
- Categoría B: a partir de 15 anos

Premios para os certames de fotografía, banda deseñada, narración curta e poesía

- Primeiro premio: vale por valor de 150 €, lote de libros e diploma
- Segundo premio: vale por valor de 100 €, lote de libros e diploma

I Mostra Musical Ben Veñas, Maio

Poderán participar todos os grupos musicais e/ou solistas, sempre que todos os seus compoñentes estean matriculados/as nalgún centro de ensino do concello de Pontevedra.



Cada grupo ou solista interpretará dúas pezas orixinais, en calquera estilo musical, de xeito que as súas letras se axusten ás condicións seguintes: o texto da primeira peza será de autoría propia; o texto da segunda peza será dun autor ou dunha autora con obra publicada en galego. En ambos os casos, os textos deben ser en galego.

A inscrición será ata o 12 de maio. Cada grupo ou solista deberá enviar un correo electrónico a bvm@pontevedra.gal coa seguinte información: a ficha cos datos dos membros do grupo consonte a base xeral 3, a letra das dúas cancións, a ficha de necesidades técnicas para a actuación (que poderá descargarse no sitio web snl.pontevedra.gal) e a ligazón ou arquivo onde escoitar a maqueta das cancións presentadas para a mostra musical.

A Comisión Organizadora nomeará un xurado que decidirá os grupos e/ou solistas seleccionados para actuar na gala do 30 de maio e comunicarllelo antes do 15 de maio. As inscricións seleccionadas actuarán na gala de entrega de premios do sábado 30 de maio no salón de actos do Pazo da Cultura, ás 18 horas. Durante todo o acto empregárase unicamente a lingua galega.

Cada persoa seleccionada para actuar recibirá un agasallo por valor de 100 euros.

Organizan:

Concello de Pontevedra

Coordinadora de Equipos de Normalización e Dinamización da Lingua Galega dos centros de ensino secundario do concello de Pontevedra